



Broj: 101- 1442-1/18  
Mostar, 31. 5. 2018. godine

### ODLUKA

**o kriterijima i mjerilima za utvrđivanje redosljeda za prijem kandidata za upis u prvu godinu prvog ciklusa studija na organizacionim jedinicama Univerziteta "Džemal Bijedić" u Mostaru u akademskoj 2018/2019. godini**

#### Član 1.

Ovom Odlukom utvrđuju se kriteriji i mjerila za bodovanje i upis kandidata u prvu godinu prvog ciklusa studija na organizacione jedinice Univerziteta "Džemal Bijedić" u Mostaru, u akademskoj 2018/2019. godini.

#### Član 2.

Organizacione jedinice upisuju planirani broj studenata, a prema kriterijima iz ove Odluke. Organizacione jedinice mogu odlučiti da kao način provjere znanja i sposobnosti kandidata za odgovarajući studij uvedu i polaganje prijemnog ispita.

#### Član 3.

Rangiranje kandidata vrši se na osnovu ukupnog broja bodova dobijenih prema slijedećim kriterijima:

- a) **OPĆI KRITERIJ** se odnosi na postignuti uspjeh u srednjem obrazovanju i iznosi najviše 35 bodova.
- b) **POSEBNI KRITERIJ** odnosi se na priznanje stečeno za uspjeh u toku školovanja ili na takmičenjima iz poznavanja naučnih (stručnih) disciplina ili po osnovu vrhunskih rezultata u sportu, a iznosi najviše 10 bodova izuzev Fakulteta informacijskih tehnologija (najviše 5 bodova).
- c) **POJEDINAČNI KRITERIJ** odnosi se na predmete značajne za odgovarajući studij ili prijemni ispit.
  - **Pojedinačni kriterij** po osnovu **predmeta značajnih za odgovarajući studij** a koji su utvrđeni odlukama visokoškolskih ustanova i navedeni su u članu 7. ove odluke, vrednuju se sa najviše **15 bodova** .
  - **Pojedinačni kriterij** po osnovu **prijemnog ispita** na Fakultetu informacijskih tehnologija i univerzitetskom studiju Zdravstvena njega vrednuje se sa najviše **30 bodova**.

Bodovanje po osnovu pojedinačnog kriterija može se vršiti samo po jednom osnovu.

#### Član 4.

Broj bodova po osnovu **općeg kriterija** utvrđuje se tako da se izračuna prosječna ocjena u toku srednjoškolskog obrazovanja (zaokružena na dvije decimale) i množi sa brojem 7.



### Član 5.

Po osnovu **posebnog kriterija**, kandidati dobijaju sljedeći broj bodova za osvojeno jedno od prva tri mjesta na međunarodnim, državnim i kantonalnim takmičenjima u poznavanju naučnih (stručnih) disciplina od značaja za studij:

#### Kantonalno (entitetsko) takmičenje

1. mjesto.....2 boda  
2. ili 3. mjesto.....1 bod

#### Državno takmičenje

1. mjesto.....3 boda  
2. ili 3. mjesto.....2 boda

#### Međunarodno takmičenje

1. mjesto.....5 bodova  
2. ili 3. mjesto.....4 boda

### Član 6.

Broj bodova po osnovu **pojedinačnog kriterija** utvrđuje se tako da se prosječna ocjena iz 2-4 predmeta značajnih za odgovarajući studij, utvrđeni ovom Odlukom (zaokružena na dvije decimale) množi sa brojem 3.

Bodovanje rezultata prijemnog ispita na organizacionim jedinicama na kojima se polaže vršit će se u skladu sa ovom Odlukom.

### Član 7.

Rangiranje kandidata na organizacionim jedinicama vršit će se prema sljedećim kriterijima:

#### AGROMEDITERANSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Predmeti koji se boduju po pojedinačnim kriterijima na svim studijskim programima su: **hemija i biologija**.

#### EKONOMSKI FAKULTET

- **Akademski dodiplomski studij (bachelor) / I ciklus studija**

Opći uspjeh

Predmeti koji se boduju po pojedinačnim kriterijima su: **matematika i bosanski/hrvatski/srpski jezik**.



## FAKULTET HUMANISTIČKIH NAUKA

### • Akademski dodiplomski studij (bachelor) / I ciklus studija

Opći uspjeh

Predmeti koji se boduju po pojedinačnim kriterijima su sljedeći:

#### ▪ *Bosanski jezik i književnost*

Predmeti koji se boduju po pojedinačnim kriterijima su: bosanski / hrvatski / srpski jezik i historija.

#### ▪ *Engleski jezik i književnost*

Predmeti koji se boduju po pojedinačnim kriterijima su: engleski jezik i bosanski / hrvatski / srpski jezik.

#### ▪ *Turski jezik i književnost*

Predmeti koji se boduju po pojedinačnim kriterijima su: engleski jezik i bosanski/hrvatski/srpski jezik.

#### ▪ *Njemački jezik i književnost*

Predmeti koji se boduju po pojedinačnim kriterijima su: njemački jezik (ako student nije imao njemački jezik u u srednjoj školi boduje se engleski jezik) i bosanski / hrvatski / srpski jezik.

#### ▪ *Historija i međunarodni odnosi*

Predmeti koji se boduju po pojedinačnim kriterijima su: historija i engleski jezik.

#### ▪ *Komunikologija*

Predmeti koji se boduju po pojedinačnim kriterijima su: bosanski / hrvatski / srpski jezik i engleski jezik..

## FAKULTET INFORMACIJSKIH TEHNOLOGIJA

### • Akademski dodiplomski studij (bachelor) / I ciklus studija

**Opći kriterij** – postignuti uspjeh u srednjem obrazovanju. Kandidat može ostvariti najviše 35 bodova (prosjeak svih ocjena, zaokružen na dvije decimale, ne računajući ocjene na maturskom, pomnožen sa 5).

**Posebni kriteriji** Osvojeno jedno od prva tri mjesta na međunarodnim, državnim i kantonalnim takmičenjima u poznavanju naučno-stručnih disciplina od značaja za studij (informatika), kako slijedi:

#### **Kantonalno (entitetsko) takmičenje**

1. mjesto.....	2 boda
2. ili 3. mjesto.....	1 bod

#### **Državno takmičenje**

1. mjesto.....	3 boda
2. ili 3. mjesto.....	2 boda

#### **Međunarodno takmičenje**

1. mjesto.....	5 bodova
2. ili 3. mjesto.....	4 boda



**Napomena:** Ukoliko je kandidat učestvovao na više takmičenja, u obzir se uzima samo jedno, kojim kandidat ostvaruje najviše bodova prema gornjoj skali. Bodovat će se samo takmičenja koja su realizovana u (su)organizaciji Kantonalnog pedagoškog zavoda, Republičkog pedagoškog zavoda RS-a, Federalnog ministarstva obrazovanja i nauke ili Udruženja "Informatičke olimpijade u BiH".

**POJEDINAČNI KRITERIJ** - prijemni ispit. Prijemni ispit nije eliminatoran, ali je obavezan - model testa je javno dostupan na web stranici organizacione jedinice. Literatura za pripremu prijemnog dostupna je na <https://bit.ly/2sEFD0u>. Na prijemnom ispitu kandidat može ostvariti najviše 30 bodova.

### GRAĐEVINSKI FAKULTET

- **Akademski dodiplomski studij (bachelor) / I ciklus studija**

#### **Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **matematika i fizika** iz dva razreda srednjeg obrazovanja.

### MAŠINSKI FAKULTET

- **Akademski dodiplomski studij (bachelor) / I ciklus studija**

#### **Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih disciplina.

Predmeti koji se boduju po **pojedinačnim kriterijima** za sve studijske programe su: **matematika i fizika**.

### NASTAVNIČKI FAKULTET

- **Akademski dodiplomski studij (bachelor) / I ciklus studija**

- **Konzervacijska biologija i ekologija**

- Opći uspjeh .

- **Hemija:**

- Opći uspjeh

- **Razredna nastava:**

- Opći uspjeh

- **Sport i zdravlje**

- Opći uspjeh

Pri upisu na I ciklus studija svi kandidati moraju prvo zadovoljiti na provjeri zdravstvenog stanja i znanja iz određenih sportova i utilitarnih vještina. Uspjehu na **prijemnom ispitu** znatno doprinosi uspjeh postignut u srednjoškolskom obrazovanju. Na provjeri motoričkih znanja i sposobnosti kandidati moraju postići određeni minimalan broj bodova tj. preći prijemni prag. Na taj se način pred



buduće studente Odsjeka za sport i zdravlje postavljaju tri kriterija od kojih je svaki za sebe eliminacijski.

- **Pedagogija:**
  - Opći uspjeh
- **Psihologija i sociologija:**
  - Opći uspjeh
  - **Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih disciplina, učešće na domaćim i međunarodnim stručnim i naučnim skupovima, učešće na domaćim i međunarodnim projektima;
  - Predmeti koji se boduju po **pojedinačnim kriterijima** su: **bosanski/hrvatski/srpski jezik, psihologija i sociologija**
- **Stručni studij iz oblasti sporta:**
  - Opći uspjeh.

### PRAVNI FAKULTET

- **Akademski dodiplomski studij (bachelor) / I ciklus studija**

**Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **bosanski / hrvatski / srpski jezik i historija.**

### UNIVERZITETSKI STUDIJSKI PROGRAMI

- **Akademski dodiplomski studij (bachelor) / I ciklus studija**

- **Poslovna informatika**

**Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **matematika i informatika.**

- **Zdravstvena njega**

**Opći uspjeh**

**Pojedinačni kriterij** se odnosi na **prijemni ispit** za redovne studente iz predmeta **biologija i hemija**, koji je obavezan, ali nije eliminatoran. Na osnovu urađenog ispita kandidat može ostvariti najviše 30 bodova.

Redovni samofinansirajući studenti i vanredni studenti ne polažu prijemni ispit.

- **Dizajn interijera**

**Opći uspjeh**

U slučaju prijavljenog većeg broja od predložene kvote, rangiranje će se vršiti prema visini prosječne ocjene iz srednje škole.



▪ **Studij turizma**

**Opći uspjeh**

**Posebni kriteriji** - nagrade i priznanja stečena za uspjeh u toku školovanja ili na takmičenjima iz naučnih (stručnih) disciplina ili po osnovu vrhunskih rezultata u sportu.

Predmeti koji se boduju po **pojedinačnim kriterijima** su: **bosanski / hrvatski / srpski jezik i jedan strani jezik.**

**Član 8.**

Postupak za provođenje ove Odluke provode komisije koje imenuju NNV-ća organizacione jedinice. Komisija je dužna obezbjediti tajnost ispitnog materijala i druge dokumentacije do okončanja prijemnog ispita.

Nakon provedene provjere, komisija je dužna utvrditi rang-listu kandidata i istu istaći na oglasnoj ploči organizacione jedinice, nakon što ih verifikuje Naučno-nastavno vijeće organizacione jedinice.

Na objavljenu rang listu kandidati mogu uložiti pismeni prigovor Naučno-nastavnom vijeću organizacione jedinice u roku od 3 dana od dana objavljivanja liste. Naučno-nastavno vijeće utvrđuje konačnu listu, koju objavljuje na oglasnoj ploči narednog dana od dana usvajanja, sa naznakom broja do kojeg su kandidati stekli pravo upisa.

**Član 9.**

Studenti koji će se upisati u prvu godinu studija akademske 2018/2019. godine kao i studenti ostalih godina studija će plaćati troškove studija u skladu sa Odlukom Upravnog odbora Univerziteta.

Detaljne informacije o mjestu i vremenu predaje dokumenata za upis, kao i druge relevantne informacije, biće objavljene na oglasnim pločama i web stranicama organizacionih jedinica.

**Dostaviti:**

1. Organizacionim jedinicama
2. Voditeljima univerzitetskih studijskih programa
3. Ministarstvu obrazovanja, nauke, kulture i sporta HNK
4. a/a

**PREDSJEDAVAJUĆI SENATA  
UNIVERZITETA „DŽEMAL BIJEDIĆ“  
U MOSTARU**

Prof.dr. Elvir Zlomušica, rektor